

昭通旧志汇编 (三)



昭通旧志汇编编辑委员会
云南出版集团公司 云南人民出版社



数据加载失败，请稍后重试！

《昭通旧志汇编》总目录

序	(1)
第一册	
恩安县志	(1)
昭通志稿	(88)
民国昭通县志	(284)
第二册	
昭通等八县图说	(483)
昭鲁水利工程志	(500)
巧家县志稿	(522)
第三册	
永善县志略	(741)
绥江县县志	(815)
第四册	
乾隆镇雄州志	(953)
光绪镇雄州志	(1091)
第五册	
大关县志稿	(1293)
大关县志	(1363)
第六册	
盐津县志	(1581)
附 录	
乌蒙纪年	(1812)
鲁甸县民国地志资料	(1850)
编后记	(1885)



数据加载失败，请稍后重试！

目 录

卷首

序文	(正文无)
征言	(正文无)
凡例	(正文无)
姓氏	(正文无)
图考	(正文无)

卷一

图说	(743)
气候	(743)
星野	(743)
沿革	(744)
疆域	(744)
形势	(745)
山川	(745)
古迹	(751)
物产	(751)
风俗	(752)
城池	(753)
关隘	(754)
渡口	(754)
坛庙	(754)
公廨	(755)
桥梁	(756)
乡村	(757)
秩官	(758)
土司	(767)
种人	(767)
祀典	(768)
学校	(779)

卷二

户口	(781)
----------	-------

赋税	(781)
仓储	(782)
经费	(783)
铜运	(784)
厂课	(785)
兵制	(785)
赏恤	(785)
名宦	(786)
科目	(786)
忠烈	(789)
孝义	(790)
节烈	(791)
封典	(791)
艺文	(792)

卷 一^①

图 说

县治来脉,自府城(昭通府)西南四十里稻田坝后分枝,循牛栏江经鲁甸数折而至五莲峰建县治焉。由牛栏江会金沙江至四川宜宾县境为左界水,由擦拉河至洒渔河合石门江亦至宜宾县境为右界水。其山亦由县治经杨义箐、刺竹坪、滚子坡、桧溪罗汉岭、副官村至横江而止。盖左右界水至横江而会,则山至此而止矣。由发脉而来千有余里,或峥嵘峻耸,雄压群山;或回曲蜿蜒,气通一线。层峦叠嶂,其护卫也;千岩万壑,其枝柯也,则其所谓正干者,宁有二耶!

气 候

县治山高箐密,春秋之间时多雪霰,四季常有露雾小雨;夏月连阴;初冬唯沿金沙江岸一带(此处原志残缺);夏月酷热,有瘴;秋冬温暖无热,地势高仰者偏于寒。现今居民生聚日繁,气候亦渐[变化]。

星 野^②

星官书之所由来,自黄帝迎日,推算命鬼,舆区占星气始。《周礼·保章氏》以星土辨九州之地,所封封邑,皆有分星。星土,星所主土也。唐贞观中,命李淳风撰《法象志》,因《汉书》十二次度数以唐州县配而一行,则以为天下山河之象,存乎南北两界,其说详矣。盖阴阳之精,其本在地,而上发于天,于以察机祥、征休咎、占象纬者,可不钩索实验欤!爰详核志于篇,以俟步天者寻览焉。

《星经》言:成都井鬼分野入参一度,顺度参井松潘叠溪,觜参东川属参。唐志曰:“东井舆鬼,鹑首也,西南至犍为越嵩州之地,东至牂牁。”司马迁曰:“觜参益州,东井舆鬼雍州”。班固曰:“秦地东井舆鬼之分,其界终于西南牂牁、越嵩、益州。”张衡曰:“参乃西北七宿之一,在申位,实沈之次,属咸池,其度宽。唐一行僧以山河两界论星野,言天之高者惟北辰,而井与北极为近;地之高者惟昆仑,而秦蜀滇与昆仑为近,故天汉经井,自井而向

① 原志稿目录中有卷首,含序文、征言、凡例、姓氏、图考、图说、气候。而正文中无卷首,卷一则从《图说》开始,之前内容脱漏。此处按原志正文排列处理。

② 原稿星野前有“舆地志”3字。

西北,参觜次之。”苏伯衡谓:“荧惑入鬼井而普逆乱,荧惑守舆鬼薄积尸而吴逆亡,以为滇蜀井鬼之证。”《蜀志》叙州府属井鬼之分,入参三度,为鹑首之次。

《通志》考:四川成都井鬼分野,入参一度,顺度参井松潘叠溪,觜参属东川属参。今东川改隶云南,则以南诏次鹑首之位推之,迤东连参入井云。然则上考东川,下考叙州,而永善之星野可得而识矣。

沿 革

帝王疆理天下,因地制宜,黄帝始建九州,有虞分为十二,夏殷复合为职方、怀方,所记不必尽同,时势异也。永善向为夷地,自元明而上多不可考,今欲缕析条分,毫无讹舛,抑亦难矣。溯历代之相沿,就其有征者,标举其大端可也。

唐虞为荒服地,夏禹梁州域,周合梁于雍,汉属益州犍为郡,宋、元属乌撒地,明属四川乌蒙府。

本朝雍正五年(1727),云贵总督部堂鄂公尔泰平定乌蒙,改隶云南,设昭通府。又于米贴设一知县官,教谕一员,典史一员;于副官村设巡检一员,以昭通镇标右营游击分驻,抚驭乌西一带夷蛮。适米贴夷(彝)目禄永忠死,其妻禄氏掌其地,抗不服调。六年三月,遣援剿左协副将郭寿域领兵三百往谕。及至米贴,而禄氏阳为纳款,阴为逆谋,于三月二十四日夜半,率夷(彝)目毛脸乌基等叛,寿域被害,兵三百无一存者。随报闻,发大兵灭之,钦命其名曰“永善县”。知县杜思贤与分防永善游击马秉伦相度地宜,谓米贴形势狭隘,距郡险远,绘图合请上宪,始迁于夷目普五所居之台都地(今莲峰),置县治焉。又因副官村地方辽阔,巡检不足弹压,改设县丞一员,分理县务。

疆 域

王者建邦启土,创制立法,大都小邑皆有一定之制,由是别区界以辨土宜,居民人而就地利,疆域明而后治,功可奏也。永善前绕大江,后拥峻岭,守此土者,挹莲峰之秀,临金沙之险,流峙环复,势固金汤,当思所以奠安斯民者。

疆域之数而志于篇。县治在府西北二百三十里,至省[城]一千三百四十里;东至本府同知驻扎(扎)之大关一百六十里,南至本府属之恩安县界一百八十里,西至[黄]草坪金沙江边六十里,与四川宁远府属西昌县属沙马土司隔江接界,北(此处原稿似有脱漏)与大关界九百八十里,与四川叙州府属宜宾县隔江接界,东南至大关竹都界一百四十里,西南界至东川府会泽县界三百八十里,与四川宁远府属西昌县属巴布土司隔江接界,东北至大关所属盐井渡(今属盐津)界四百一十里,西北至副官村九百二十里,与四川叙州府屏山县属之平彝土司隔江接界。东西广二百二十里,南北袤长一千一百六十里。考《通志》所载四至疆界甚狭,与今不符,盖当开辟之初,山深箐密,人迹罕到,路径鲜通,迄

今数十年来,生聚日盛,人烟辐辏,于是伐其林木,平治其崎岖,故商贾往来,车马四达,较昔为倍广云。

形势(附)

昭通为云南东北之极边,永善又为昭通东北之极边,自县治而西又为四川屏山县之极边。三关设险,千里悬崖,岭复冈连,回龙延袤而积雪;惊涛跃浪,舍江委曲以拖蓝;陆行则细路绕云,尚碍飞鸟;水行则急峡轰雷,引索可断。咽喉西蜀,锁钥南滇。

山川

州县之设,有时而更;山川之形,千古不易。树屏障,滋蓄泄,所系岂浅鲜哉!永善之山,五莲为祖山;永善之水,双溪为主水。若统全势而论,则回龙蜿蜒而北绕,金江澎湃而西环。盖一邑之龙必有远山水为之,发脉亦必有近山水为之。

举凡民物之渐茂,科第之渐开,与夫贤才杰士渐出,唯山水磅礴郁结,以钟灵而毓秀。诂谓崇山峻岭,怪石险滩,皆等于无用者哉!

五莲峰:在城北五里,县治主山也。《通志》作“九莲峰”。而此五峰较高,并峙如莲瓣。土人以“五莲奇峰”为一景。

鸡冠岭:在城西数里,以形似名,俗呼为鸡公岭,盖即鸡冠之讹也。

献宝山:在城西十余里,回环作案。

西山:在城西南数里,层崖壁立,瀑布飞悬。昔人建草亭于其下,每逢盛夏,游人多憩息焉。土人以“西山瀑布”为一景。

打拐坡:在城西南三十里,接岭莲峰,丛林深箐,石径嶙峋,高险迂回。为乾隆年间铜运要道。

犀牛坡:在城西南五十里,近金沙厂。崖峦耸翠,林木阴(荫)翳,陡折盘旋,有路如线,行人为之心悸。

绥期台:在城南一百六十里,山多松柏,翠秀参天。

鸡爪山:在城西北二百四十里,崛若鸡立,麓分数支,宛如鸡趾,故俗呼为鸡爪屯,又呼为新麓坡。

门坎山:在城西北二百五十里,山势陡峻,鸟道嵌空,为吞都汛城隘口,今改名云梯山。

前山:在吞都汛城前十余里,冈阜蟠屈,林木葱茏,峭崖如壁,下枕清溪。

后山:在吞都汛城后十余里,危峦矗岷,叠拥重围,幽箐深林,蓊荟蔽塞。

明子山:在吞都汛城南十里,其山多产松,土人呼松为明子,故名。

马蹄崖:在吞都汛城东十里,以形似名。

太乙山:在吞都汛城下二十里金沙江边。山下为太乙滩,相传昔有香杉木板一片,上载石像九尊,浮于水面,旋绕中流,夷民见而祝之,遂泊于岸。因建九皇庙于山之阳,凡有祈祷,每多灵验。土人以“太乙仙踪”为一景,即锅圈滩,为十八险滩之一。经题奏,上谕。

长崖:在太乙山下十五里,重岩峻峭削立,江水环流,俗名长崖坊。

将军崖：在桧溪汛东南五里，峻峭如削，势若凌空。

宗宝山：在桧溪汛东南金沙江北岸，形势迤衍，岑峦耸叠，山麓特起一峰，尖削如笔。南岸亦有一峰，秀锐插天，夹江对峙，说者谓风水所钟也。

木鱼山：在宗宝山下东北十里，以形似名。

刺竹坪：在木鱼山东北四十里，悬崖绝壁，盘道萦纆，独木危桥，委曲而上，至巔即平约十里，四围皆竹。其竹节疏而多刺，俗名刺竹。

伏虎山：在桧溪汛东南数里，山半有大石一块，形如伏虎，宛然相肖，土人俗呼为老虎。

马路坡：在伏虎山东十里，回环曲折，高耸参天。

羊退崖：在马路坡南数里，峻嶒叠嶂，绝壁千寻。半[山]有洞，容数百人，昔年逆夷(彝)多匿于此洞中，哈[元生]将军在马路坡上以炮攻之，皆坠[岩]而死。

马鞍山：在羊退崖东北五十里，以形似名。

二十四冈：在马鞍山东北三十里，冈峦连属(续)二十有(同“又”)四，故名。

滚子坡：在二十四岗东北十里，迤逦层叠，突兀峥嵘，积雪不化，六月犹寒。

黄泥坡：在滚子坡东北三十里，险峻崔巍，四时积雨泥泞。

蜂崖：在桧溪西五里，垂崖千层，绝壁万丈，其上藏蜂酿蜜，土人多取之。

摩河崖：在蜂岩西北五里，四围如削，高插云霄，瀑布悬流，响振(震)林壑。

土地崖：在摩河崖西北十余里，悬崖幽壑，丰草长林，广袤百里，行者多攀萝援竹而上。崖半有土地祠，故名。

飞凤山：在土地崖西北数里，首枕金江，尾多林木，左右群峰分列，宛若飞凤饮江之状，俗名三个庄。

四方石：在飞凤山下金沙江中，其石周围数十丈，平正而方，砥柱中流，波浪不惊，形象谓风水所钟也。

柏木山：在飞凤山西北三十里，其山多产柏，故名。

百丈坡：在柏木山西南二十里，层峦百丈，望之耸然，坡半有巨石一块如床。《蜀志》作“八诈坡”，盖语讹也。

红崖：在百丈坡南十余里，其山石多赭色，故名。

梅子坡：在红崖西南十余里，又名马草坡。

罗汉岭：在梅子坡上二十里，与梅子坡相连为一山，巍然高峻，积雪经年，遍山皆竹，因以罗汉名。详《物产》筇竹注。

官斗山：在副官村城西十里，山下有玉皇观庙一座。

牛心山：在副官村城南十五里，以形似名。

华尖山：在副官村城东二十里，亦名华峰山。

祖师山：在副官村东一百里，冈岭延复，林壑清幽，将晴则朝霞朗耀，雨则烟雾迷空。昔有祖师殿，基址犹存，且多管水，灌溉火盆里一带[田地]。

查县治山多田少，万壑千崖，并无堤堰闸坝，除金沙江岸高水下，灌溉难资，其余管水在在，皆是居民就近开凿小沟，引水入田，取之不竭。故凡有资灌溉者，散见于山川各条之下，不复另志水利。

金沙江：源出西蕃，合若、绳、孙、沪(泸)、打冲河，五水同流，经鹤庆、丽江、永北(今永

胜)、大理、姚安、武定诸府,以及本属昭通府属通判驻扎(扎)之鲁甸,自县西南稻田坝入界,流一千五里有奇。至东北新滩出界,流入四川宜宾县境内,隔江则经四川宁远府属之冕宁、盐源、西昌、会理四州县,复经叙州府属之雷波卫所黄螂所蛮彝、平彝二司,屏山、宜宾二县,至叙州府城西南合会岷江,同入东海。或谓此水即符黑水者,非也。考符黑水为镇雄黑墩河之下流,经四川叙州府属筠连、庆符、高县入宜宾界,至南广洞入岷江,则与金沙江之源流迥异矣。又或谓雍梁之黑水,亦未当。考《禹贡》导黑水至于三危,入于南海。今金沙江则会岷江,而入东海,似未可统而一之也。且滇、蜀志注俱以金沙江为若水之下流。而《史记》云:“南海之南,黑水之间,若水出焉。”《山海经》亦云:“南海之内,黑水之间,木曰‘若木’,若水出焉。”其曰黑水之间,非即黑水,明矣。且若、绳、孙、泸(泸)、打冲河诸水,间有未合之处。纷纷众论,不无牴牾。附录滇、蜀志各水全注于后,以俟当世或有参考论定云。

附:《通志·武定府和曲州金沙江》注:在城北三百八十里,源出于吐蕃(蕃)达赖喇嘛东北牛乳山下,东南流入喀木地,又东南流入鹤庆府之中甸。东经丽江府,亦名丽江,南经永北府及鹤庆之剑川州,又东过大理之宾川州,又东过姚安之姚州,又东北经大姚县之苴却营,又东南入元谋县,过武定府北境,又东北经东川府,又北经昭通府之永善县,下流入四川之马湖府,下至叙州府,合于岷江。蒙氏僭号封为四渎之一。沿江多瘴,虽属深冬,行人挥汗,渡者多以夜或雨中。按:马湖府[即]今屏山县,瘴气亦较昔为倍减矣。

附:丽江府[志]“金沙江”注:在城东北一百五十里,源出吐蕃,经中甸东南流入府境,又东南流入永北。

附:鹤庆府[志]“金沙江”注:在城东一百二十里,自丽江府东南流入府境,经旧顺州西,又南流入永北界。

附:永北[县志]“金沙江”注:在城西,自丽江府流入府境,会四川打冲河入武定。

附:大理府宾川州[志]“金沙江”注:在城东北九十里,自丽江府流经州界,下入姚安府,或曰即“古若水”。《山海经》云:“南海之南,黑水之间,木曰若木,若水出焉。”《水经注》曰:“若水南经云南之遂久县。”即金沙江巡检司地也。

附:姚安府[志]姚州“金沙江”注:在城北四百里,自宾川流入府境,东经大姚入武定府界。

附:东川府[志]“金沙江”注:在城西二百五十里,自武定流入府境。

附:本府昭通属之鲁甸“金沙江”注:在治北一百五十里,来自东川,流入永善。又,永善“金沙江”注:在城西四十里,水势奔腾,环绕如带。

附:蜀志宁远府会理州“金沙江”注:在州西南,自云南武定府流入。明《一统志》:在西南一百五十里,源出吐蕃,东流合泸(泸)水至黎溪接马湖,夹岸皆石,江中沙土黄色,因名。旧志[云]:流经云南丽江府、鹤庆府、姚安府、武定府入州界,本云南之白水江也。按《水经注》:蜻蜒水,出蜻蜒县西,其下贪泉水出焉,又东经于绳,盖即此水也。

附:叙州府屏山县[志]:马湖江在县南,自乌蒙土司流入,又东入宜宾县界,即古泸(泸)水也。《水经注》:若水自会无合淹水,又东北经朱堤(提)县西,为泸江水,又东北至夔道。酈道[元]注:若水自大箬合绳水,通志谓之绳水。又经越嶲郡之马湖县,谓之马湖江,左合皂水,又东北经朱堤(提)县,有泸津,东去县八十里,水广六七百步,深十数丈,多

瘴气，鲜有行者。旧志[云]：源出沈黎，实大渡[河]之支流。源出金沙江，自生蛮山箐中流出，至蛮夷司合什葛溪方通舟楫。又经平夷(彝)司一百二十里，至县城东一百二十里流入宜宾县界。

附：宜宾县[志]“马湖江”注：在县城南，源出沈黎大渡之支流，即若水下流也。一名泸水，一名金沙江。诸葛武侯五月渡泸，即此江之上流。自马湖府东北流入，至府城西南一里，有蛮津口，又东合于大江。《汉志(书)》[云]：越嶲遂久县绳水，东至犍道入江。《华阳国志》云：犍道县马湖江会水，通越嶲。《水经注》：若水自会无合淹水，又东北至朱堤(提)县西为泸江水，又东北至犍道。郾道[元]：若水自大箝合绳水，又通之绳水，又经越嶲马湖江，又东北至朱堤(提)，自朱堤(提)至犍道，有水步道，有黑水、羊官水，至险难渡，三津之阻，行者苦之。故俗语有曰：“槽溪赤水，盘蛇七曲，盘羊乌枕，气与天通。”又有牛叩头、马颊坡，其艰险如此。《寰宇记》：马湖江，从州西南流出。东郭《方輿览胜》：马湖江至平夷合石门江，又至三江口合蜀江。

附：符黑水。宜宾县[志]“黑水”注云：在县东南十五里，一名南广溪，自庆符县流入，经南广镇北入江。《地輿志》谓此水即《禹贡》[言]之黑水。按：《禹贡》：“导黑水至于三危，入于南海。”今此水则自西南夷界流至南广洞入江。又，《汉志(书)》：南广符黑水北至犍道入江水。《水经注》：入江处谓之南广口。《元和[郡县]志》：南广口水在开边县西北一里，唐天宝六年(747)改为皂水，新至水至南广镇入江，南去庆符县一百三十里，江口有天柱峰，巨石屹立如柱。又，庆符县[志]“南广水”注：在县北一百三十里，源出乌蒙山箐，经筠连、高县流入，又北流十五里经县西北外，又东北流一百三十里，至宜宾县界南广洞入江，江口有天柱峰，巨石屹(屹)，立如柱。

附：若水。《蜀志》冕宁县“若水”注云：在西徼外东南流入西昌界。《史记》：黄帝子昌意降居若水，娶蜀山氏女，生颡项于若水之野。《山海经》云：南海之内，黑水之间，有木曰“若木”，若水出焉。《汉书》：元光五年(130)，司马相如使西南夷，除边关，西至沫若水。《汉志》：若水出旄中县徼外，南至大箝入绳水。其绳水出遂久县徼外，东至犍道入江，东行千四百里。《水经注》：若水出旄中县徼外，沿流间关蜀土，东南流，鲜水注之；又大箝县合绳水。绳水出徼外东南分流为二水，一水东出经广柔县东流入江，一水南经旄中道至大箝与若水合，亦通谓之绳水，又南至邛都。《元和[郡县]志》：台登县有奴诺水，本名绳水，在县西北七百里许，自羌戎界流入。《九州要记》：台登县有鸚鵡山，若水出其下，即今盐源县打冲河之上流也。又，西昌县[志]注云：在县西，自冕宁县流入，与盐源县接界，又东南入会理州，亦名泸水。《水经注》：若水自大箝合绳水，自下通谓之绳水。又南过邛都县西，亦曰越嶲水，似随地而更名矣，又直南入会无。《元和[郡县]志》：[越]嶲州西至泸水二百里。按《水经注》，泸水即今之金沙江也，此水在其东北，故又名东泸水。

附：孙水。《蜀志·西昌县》“[孙]水”注：在县西自冕宁县流入，又东南入会理州界。《汉书》司马相如疏：孙水以通邛都。《水经注》：自台登县南流经邛都，又南至会无，亦谓之长河。《一统志》“长河自宁番卫流经建昌城西，又曰‘西泸水’，在司城十里”即此。又谓之安宁河，在卫西十五里窑山外，源出宁番卫流，合打冲河入金沙江。又，会理州“孙水”注云：在州西，自西昌县流入，又南合若水，旧志谓之“安宁河”，至三江口合流。又，《通志》宾川州“孙水”注云：在城东北一百三十里，金沙江之别流。《水经注》云：孙水一

名白沙江,汉司马相如“梁孙”原此也。

附:打冲河水。《蜀志》盐源县打冲河注:在县东北一百六十里,自冕宁西番界流入,又东南入会理州界,即古若水也,亦名泸水。《华阳国志》:在郡西定笮县(在郡西渡泸水即此)。

附:泸水。《蜀志》会理州泸水注:在州西南,自盐源县流入,又东入云南东川土府界,即若水也。后汉建武十九年(43)益州夷叛,遣将军刘尚,发广汉、犍为、蜀郡人及朱堤(提)夷讨之。尚渡泸水入益州,大破栋蚕等羌。蜀汉建兴三年(225),诸葛武侯讨南中蛮,五月渡泸,深入不毛。晋太宁初年,李襄等寇宁州,刺(刺)史王逊遣将姚岳败襄于堂琅,追至泸水,败兵争济,溺水者千余人。《水经注》云:若水自邛都,南至会无县,孙水南入之。又南有蜻蜓水入焉,又经三绛县西,姑复县北。“淹水”注:水又母血水合,又东涂之,又经马湖县,谓之马湖江,又右合泉水,又东北朱堤(提)。杜佑《通典》:会川县有泸水,即孔明渡泸处。《新唐志(书)》:嵩州自阳蓬岭百余里至俄准添馆,又经箐口会川四百三十里,至河子镇城,又三十里渡泸水,又五百四十里至姚州。旧志:泸水在卫西一百五十里,南流入金沙江,至废黎溪州为马湖江。其江岚瘴特甚,隆冬人过,袒裊皆流汗,唯雨中及夜渡无害。又,打冲河自盐井卫流入,至三江口[入]金沙江,与云南武定府南北为界,又东过白马口,分派入山,伏流东川土府界,又自山中流出。又,《蜀志》外记云:孔明五月渡泸,今以为泸州,非也。泸州古之江阳,而泸水乃今之金沙江,即黑水是也,因其水色黑,故以泸水名之泉。沈黎古志:孔明南征,由今黎州路黎州四百余里至两林蛮,自两林蛮南瑟瑟部三程至嵩州,嵩州十程至泸水,泸水四程至弄栋,即姚州也。今之金沙江,在滇蜀之交,一在武定府元江驿,一在姚安之左脚。据沈黎志:孔明渡泸在今之左脚也。瑟瑟一作虱瑟,两林[即]今之邛都(都)长官司也。

附:《东川府志》“金沙江”注:距府城西一百五十里,《通志》作二百五十里,距巧家城西十里。秋夏水涨时江面阔三百余丈,为滇蜀分界。按张机北《金沙江考》:源出吐蕃共龙川犁牛石下,谓之犁牛河,即古丽水。其流出铁索桥,东经丽江府巨津、宝山二州,又东经鹤庆府、北胜州、姚安府。又自武定府北界,经黎溪州,蒙氏僭号为“四濬”之一。又自武定下流入济惠部,夷人鑿木船以通往来行旅,遂名“金沙渡”,又名“纳夷渡”、“纳夷江”,又名“母鲁乌苏”,又名“黑水”。按:堂琅废县在东川府,遂久废县在宾川州,四川盐源县亦有遂久废县。弄栋废县在姚州,废顺州在永北府,金沙江巡检司在大理府,会无废县、黎溪废州、三绛废县俱在会理州。台登废县、大笮废县俱在冕宁县越嵩郡,今改作卫,属宁远府。邛都废县在西昌县,定笮废县在盐源县。夔道故城、开边废县俱在宜宾县,庆符县亦有夔道废县。旄中故城、沈黎故城俱在雅州府清溪县,三江口即今叙州府城外,唯朱堤(提)县无考。查《通志》“开边废县”注云:《新唐志》贞观四年(630),以开边、石门、朱提三县置南通州。八年改贤州,寻废,以县隶戎州,宋乾德[年]中废。县在马湖、朱提两江口。《蜀志》:朱堤(提)县当在今屏山、宜宾之间。且宜宾县西五十里有朱堤(提)山,或者其即朱提故地欤!

附金沙江十八险滩:滩高水激,怪石嶙峋,每年请币凿修以利铜运。谨将各滩名目具列于左:

沙河滩:南岸。黑铁滩:南岸。羿子滩:北岸。乌鸦滩:南岸。雾基滩:北岸。大虎跳

滩:南岸。江中有大石一块,十余丈,形如虎样,端立高踞,水因石激,波浪沸腾,土人以“金江石虎”为一景。小虎跳滩:南岸。溜筒子滩:北岸。特衣滩:北岸。小锅圈滩:北岸。大锅圈滩:北岸,即太乙滩是也。大猫滩:南岸。冬瓜滩:南岸。大汉漕滩:南岸。木孔滩:南岸。苦竹滩:北岸。凹崖三腔滩:北岸。新开滩:南岸。

以上十八处系原题险滩,铜船如有沉失,例准豁免。嘉庆七年(1802)新添不波、焦岩二滩,十年又添门坎滩。此三个滩均未详报题咨,沉失铜船,不准豁免。

石门江源出鲁甸之大黑山,即擦拉河之下流也,为县治右界水。由东而北入金沙江,隔江则经本府属之大关以及四川叙州府属之庆符县、宜宾县二属。《蜀志》“庆符县”注云:在县西南出乌蛮界,又北经宜宾县合马湖江。又,宜宾县注云:在县西南,俗呼横江,又名小江,源出乌蒙蛮部,经本府境东北流九十里,与马湖江合,中有滩,其水常若钟鸣,故又名“钟滩”。按:今土人呼其上流曰“擦拉河”,又曰“洒鱼(渔)河”,呼其中流曰“钟滩溪”,呼其下流曰“横江”,而石门江与小江之名无闻矣。

双溪:在县东十余里,县治主水也。源出石(五)莲峰后山箐,流里许,分为二,一由南而西,一由北而西,流十余里,合马旺沟,合金沙江。

铜厂河:在县南一百六十里,源出金沙厂山箐,经犀牛坡寨(此处原稿似有脱漏)会恩安县属之冷水河,合洒鱼(渔)河。

沙河:在县西北八十里,源出新开庄,[流]六十里入金沙江。

雾露沟:在县西北一百[零]五里,源出杨义箐,流五十里入金沙江,两岸俱有堰沟,左灌黑铁关田坝,右灌朝阳坝田坝。

米贴溪:在米贴汛,源出米贴后山,入金沙江,灌溉本处田亩,俗名店子沟。

大坡沟:在县西北三百六十里,灌溉井底一带田亩。

那乡溪:在县西北三百七十里,源出那乡山箐,会合后溪入金沙江,有灌溉。

前溪:在吞都汛西北十余里,源出前山山箐,入金沙江,灌溉马蹄岩上田亩。

后溪:在吞都汛东北十余里,源出后山山箐,入金沙江。俗因溪边有观音寺,遂呼名观音溪。楚民王本仁开修堰沟,灌溉鸡爪山田数百亩。

洗马溪:在桧溪汛东九十里,源出刺竹坪山箐,经宗宝山至大猫滩入金沙江,有灌溉。

桧溪:源出滚子坡山箐,经马鞍山、马路坡、伏虎山入金沙江,灌溉甚广。

龙拖溪:在桧溪汛西北数里,自摩河崖上石洞流出,入金沙江。楚民鲜于太开修堰沟,灌溉撒水坝一带田亩。

柏杨溪:在桧溪汛西北二十里,从飞凤山上石洞流出,入金沙江,有灌溉。

水星溪:在桧溪汛西北八十里,源出罗汉岭山箐,入金沙江,有灌溉。

大文溪:在副官村城西脚下,流入金沙江,原名马湖江。

小文溪:在副官村城东十里,流入金沙江。《蜀志》“平夷司”注:大文溪在司南一里,小文溪在司东十里。大文、小文二溪俱出乌蒙钟滩,入马湖江,水流回旋成文,故名。盖以江南岸言之,故方位不同耳。

黄龙溪:在副官村西南十里,流合大文溪,入金沙江,有灌溉。

新滩溪:在副官村东七十里,流入金沙江,有灌溉。

绍感溪:在副官村南八十里,流入金沙江。有铜厂。

梅泥溪:在副官村东北一百里,有灌溉。《蜀志》“屏山县”注:在县东十五里,源出宝屏山麓,流入马湖江。按:今土人皆呼为“梅泥”,以“海”作“梅”,盖传写误也。

犁湾滩:在副官村北八里,亦名金带滩。

石溪滩:在副官村东十五里。

玉屏山:在副官村西五里许,即大沙坝后山,大沙坝又为孝廉坝。

玉峰山:在副官村西七里许,亦曰鳌头山。

旂山:在副官村南六里,牛心山之上左侧。

鼓山:在副官村东三十里许,即冷饭溪,岩上刻有石鼓,故名。其地多猿猴,瀑布悬流,最为险隘。有塘汛。解主以“一夫当[关]”题额玉皇观右团山包,亦曰鼓山。

汤家山:在副官村东十里,即凤池坝后山,亦名凤岭。

石坛子山:在副官村祖师山下,以形似名。

帽盒山:在井底右边大板林脚,名以形似之。

玉笋山:在墨市(石)驿场前,以形似名。

古 迹

人生隙驹朝露,当世非不焜耀一时,百年而后遂渐灭而无闻顾。何以前贤陈迹,必搜讨于劫灰兵燹之余,即荒垆断碣,载笔者津津乐道,可以知地以人重,人不可不早自建立也。但永善旧为夷獠之藪,自雍正六年(1728)新设,建置未久,所谓大夫贤士之径行,迁客骚人之流寓,足以资考据而光邑乘者,无有也。至若临江舒啸,登山送爽,供骚人学士之游观,犹其小焉者耳。

米贴旧县:在县西北二百三十里,雍正六年设县于此。八年夷变,遂迁今治,其他改为把总分防汛地。

井底旧营:在县西北三百六十里。昔为荒山。雍正六年夷变,哈[元生]将军安营于此数月,今已开垦成田。

巡检司旧署:在县西九百二十里副官村。雍正九年建后以巡检移驻古寨,改为县丞署。《通志》作县北六百八十零五十里(应为六百八十五里)。

副土司旧址:在副官村。明朝洪武时,副土司建衙署[于]此也,本朝裁之,遂废。今仅存基址,其裔尚居故地,详见《秩官·土司志》。

八景:五莲奇峰、西山瀑布、金锁重关、回龙积雪、金江石虎、太乙仙踪、凤池龙门、白袍鱼跃。以上八景注已散见于各条之下,并绘图于卷首,兹不再注。

物 产

《禹贡》:“九州物产各著,洪范八政,食货为先,又曷贵采合浦之珠、蓝田之玉乎?”永

善向为夷地，膏腴沃壤，尽委诸深箐茂莽之间。自改[土]归流而后，召募开垦，田土固倍增矣。然而禾麻蚕绩，断苴食瓜，似犹逊于他邑，是司牧者之责也。唯必教之以重稼穡而轻服贾，兴树蓄以滋生息，庶几乎，物产蕃昌，堪称饶裕矣。

谷类：水稻、早稻、赤稻、粳稻、糯稻、长芒稻，大麦、小麦、燕麦、玉麦（俗称苞谷），苦荞、甜荞，黄大豆、绿豆、青豆、黑豆、豌豆、豇豆、扁豆、刀豆、四季豆、红小豆（俗称饭豆）、白小豆，黄小黍、红小黍，膏粱（高粱），脂麻，绿豆米，毛稗，龙爪豆、蚕豆（《益部方物略记》“佛豆”，秋种至春斂即蚕豆也），草子（米似稷而微细，夷人多有广种者，作日食）。

蔬类：葱、蒜、韭、薤芹、蕨、苋、茄、芋、姜、菌、瓠、芥菜（俗名青菜）、芥、白菜、菠菜、茭笋、韭、茨菇（味甜）、葫芦、红萝菔、茴香、云板署（薯）、茼蒿、红薯（薯）、黄秧白、莲花白、秦椒（俗名辣子，又名醯椒）、碧兰。

瓜类：冬瓜、西瓜（多子）、南瓜、瓠、苦瓜、绿瓜、八棱瓜（即倭瓜）、丝瓜、土瓜。

果类：梅、桃、李、梨、栗、杏、柑、橙、橘、柚、柿、松子、核桃、橄榄、枇杷、荔枝（产副官村西二十里许，只二株）。

花类：莲、兰、菊、水仙、凤仙、鸡冠、玉簪、月季、金银、玫瑰、绣球、梔子、西番菊、蜀葵、冬葵、向日葵、芭蕉、芙蓉。

木类：松、柏、杉、楠、桑、桧、柳、杨、白杨、棠梨、冬青、紫榆、樟、青心、青皮、水冬瓜、麻柳、桐子、栎子。

竹类：苦竹、慈竹、化竹、箬竹（又名罗汉竹，节大而密，筠厚而坚，老人取以为杖，笋亦佳。凡山之高峻处皆有之，唯罗汉岭为盛）、水竹、筋竹、刺竹、扁竹、楠竹、小楠竹（俗名硬头黄）。

药类：黄连、黄草、菖蒲、野菊、车前、巴豆、姜黄、松脂、紫苏、木贼、苍耳、草麻子。

食货类：香蓴、木耳、花椒、茜草、蜂蜜、黄蜡、甘蔗（有红白二种，又有名建南）、土纸、竹笋、落花生、麻棉、油（有菜子、桐子、栎子、鸦片烟子、芝麻、兰花子数种）。

金类：银、铜、铁、黑铅（又附石炭、油炭、荒沙，此三样，人用以煮日食）。

禽类：鹊、燕、鸠、鸦、雉、鳧、鹰、鹞、鸮、鹅、鸡、鸭、画眉、鹌鹑、鸚鵡、鸬鹚（俗名水老鸦）。

兽类：牛、马、羊、豕、猫、獐、兔、猿、虎、豹、熊、黑、犬、鹿、麂、猴、獭、野猪、山驴、崖（岩）羊、飞鼯、田鼠。

鳞介类：鲤、鲫、鳊、鳙、蟹、螺、龟、蛇、鲢、鳖、鳞鲤（俗名穿山甲）、清波、细鳞鱼、江团、黄蜡（丁）。

虫类：蜂、蚁、蛭、蝉、萤、蝇、蝶、蚊、蚁、蚯蚓、促织、蜘蛛、螳螂、蜻蜓、蝇虎、虾蟆、蜈蚣、蚂蝗（蟻）、蝙蝠、蚱蜢、蟋蟀、蛙。

风 俗

班孟坚云：刚柔缓急，系水土之风气，谓之“风”；好恶取舍，随君上之情欲，谓之“俗”。永邑向为蛮藪，风俗颇陋。迄今四十年来，渐知崇礼教，盖道德齐礼，所以沐浴雅化者深

矣。第风之上也，如挽逆水之舟；风之下也，如破竹之势。士大夫为庶民表率，敦古谊、崇善道，为里闾倡诂非，守土者之幸欤！

元旦：四更早起，祭五祀先祖，拜父母师长，亲朋各相贺，俗传为拜年。

上元：自初九日起至十六日止，各张灯火、龙灯、狮子闹热，俗云闹元宵。

清明：各祭坟墓，添垒坟头土；踏青于郊外，男妇、幼子、少女作秋千戏。

四月八：嫁毛虫。

端阳：食角黍，插艾于户，以雄黄酒洒壁、涂地，可除毒虫；食雄黄酒，以雄黄涂小儿耳鼻。

六月六：晒书、衣服。

七月七：乞巧，靴龙船。

中元：祭先于寝。

八月中秋：祭月，各食月饼。

重阳：登高。

腊月二十三日：祭灶。

除夕：以银钱分给子孙。坐旦，谓之守岁，俗云“守田坎”。

夷俗(附)

徕徠之俗，婚姻先用媒妁通好，允则牛马猪羊为聘。迎娶之日，[亲]朋各送羊、布，聚饮而散。疾病信巫祝，卜以鸡骨。葬以火，缚尸如猿，使人踊跃火上助喝，游骑挟弓弩四围驰骤，名“搅魂马”。祭则揭牲畜心肝于竹杪(梢)，绕尸歌舞。孝子受贺，孝妇衣衫燔毕，炼骨纳器埋土中，与地平，不垒坟，用碎石围之，约周二丈余，高尺余。每日出入，必佩环刀插药弩，歌类楚巫，哀而荡，细而繁。今圣天子教化覃敷，良有司潜移默化，种人多革陋习，所谓衣冠饮食、婚姻祭祀燕享者，大半从汉官仪制。前所志者，从其朔也。

城 池

[孔]夫子作《春秋》，凡门观台榭必书，重民力也。虽然金城汤池，王公设险以固圉，城池又安可忽哉？永善土城创于雍正九年(1731)辛亥，后于乾隆二十五年(1760)庚辰重修，申画郊圻，慎固封守，保障之责也。然而城郭为有形捍卫，礼仪为无形之城郭，是在司土者，其关津隘口，所以辅翼疆圉。因类而备载焉。

永善旧属乌蒙地，无城。本朝雍正六年设县治。九年巡抚张允随题请，委知县杜思贤(四川遵义举人，今改贵州)筑土城，于是永善县治日兴。周二里六分，高一丈二尺，上覆以瓦，四门有楼，东曰“日华”，西曰“金川”，南曰“崇礼”，北曰“拱宸”。四隅有炮楼，无池。乾隆二十五年，知县游方震(进士，江西丰城县人)于边城攸关等事案内详准动项重修。嘉庆十年(1805)知县吴进堂捐廉修整。

吞都汛土城亦与县城同案修筑，周一里三分，高一丈一尺，四门有楼，无池。乾隆二十六年，知县游方震详请动项重修。